



Pamebham

'Nimlo : 012 'Su : 'zëzë

-Kwε : 2007

'su -bha 'sëedhe -mü

Blowo

-Wo kpö =bhlëzë

'Sëedhe =ne -yö -dho -Pamebhamë pö -me -nu 'piö.

Yi -bha me -nu -wun 'gbeezë 'ö 'wuntao bô 'sëedhe 'ö 'kwa- -dhe -na -Pamebhamë bhë, 'ka- pöme -nu 'ka bhë 'yië -büö -da ka -dhë. -A -kwε =ya kë do kwa -bha 'wuntao bô 'sëedhe bhë yaa yö plaan.

-A -gen tō yuö =këa' -pë -nu -dhe 'ö -kë -a -bha. Yi pë 'kpekpe -kë kö 'yië- kwa -bha

'wuntao -nu bô -kplawo 'këe -a kë -dhe yaa kë -dhö.

Yi -bhawuntodhe -dhe -na ka -go 'ö tō y- 'wun -dō =ne yaa kë ka -dhë -së.

'Wun 'yi- 'piö kö 'yi- =blee'- ka -dhë bhë 'ö tō, yuö =këa' -pë -nu 'wo bhë -an 'plë =wa yö 'ko 'dhiö, kö kwa -bha 'sëedhe bhë 'dho 'kwa 'dhoë- zü dō bhë. -A 'nimloo -bleezë 'ö =ne.

Yi ka zuö -pö =va, bhii yi- =dōa' =ne 'wun bhë ka -dhoë -gen ma yi -go -sëka, 'iin 'zü ka -dho yi -bhawunto, bhii kwa -nu kwa -dho 'ta sü -kwa 'koë kö kwa -bha 'segō, kwa -de -wo 'iin 'zü kwa -bha 'wuntao bô 'sëedhe -nu bhë 'kwaan- kë kö -waan 'gla. =Ya kë =ne yuö kë 'slë -dëüdü -nu -wo ka -go, -kaa 'bhaa -nu bô yi -dhë, yi 'yan ka -go./.

Kwa -bha =Dan -se 'gü -wun

'Giamaaplöo -dhe 'ö -kë 'Bhengwiö -pö do 'ka bhë, -a 'në -nu -wo -dho wo 'ko =bhaa 'wo -ya 'koë do -kë. 'Wo- pö =dhe -kë =ne wo -bha pö- =ya kë 'kobhli -pö do 'ka bhë, -yö -dhe -ma -kun kö 'wo- kë -yö 'gla.

-A -wun 'gü -wo -kōlokota do -gban 'wo- -dhe MUDEG, -a -gen tō « me -nu 'wo dho wo 'koü do kö -waan wo -bha 'giamaaplöo -pö 'gla.

-Wa 'piö kö 'wo 'dho wo 'koü wo =züö kë do kö pë -nu 'wo

-dhö wo -bha 'se gla bhë 'wo- =mee'- =ne -kō 'ö zunggblëë ga -nu 'ö -an =faan' 'yaa -dhö 'wo 'dho -na -a 'ka wo 'koë- do 'wo wo -bha -bhöpë -nu 'sü -na -a 'ka bhë -a 'dhö. -Wa -dō =ne pödhe, 'kwi =plöodhe, 'iin 'zü 'segō dō -sü zü -gban pö- 'ö -dhö 'iin 'se 'ö -dhö -a 'gü 'në -nu -bha -kë do -sü -bha.

-Kō 'wo- 'piö 'wo wo -bha 'se bhë 'wo- dōa 'ö =ne :

1. dhongtrō 'kō -nu waa lakë dhōonu -bha 'kō -an dō -sü, kö wo -me -nu -waan kë 'klengkle

2. =Klang'

'kō -nu

dō -sü kö wo 'zlaa- -bō -nu -waan 'dho =klang' 'kōodhō

3. 'Dhōo 'kō -nu dō -sü.

Pë 'wo- 'piö 'wo- kë yö =ga bhō.

'Wun =zoan' -së =ga bhë. Pö- me -nu 'kwa to -kwa 'dho kwa 'koë- 'kwa kwa -bha 'se 'gla -zian =mee'- 'kwa 'go =saan' 'ö -glu =yaa- =gbaon kwa -ta bhë -a 'gü.



L'orthographe DAN Blowo

Voici ce que nous pouvons prendre pour savoir lire et écrire en langue Dan.	ε	'pε	déchirer	ö	pö	dire
	εε	=dεε	aujourd'hui	öö	=töö'	panier
Les consonnes et les voyelles que vous ne voyez pas ici sont les mêmes qu'en français.		=sεε'	natte	u	'su	lune
	en	-gen	pied	un	bun	corps
Attention:	εen	=gbeεn	long	uun	'yuun	asticot
	'ë	'pë	credit	ü	'gü	intérieur
1. c, h, j, qu et x n'existent pas en dan.	ao	'kao	daba	üü	=glüü'-	frotter
2. r ne se trouve jamais au début d'un mot.	ëen	=klëen	entourer	üö	'güö	brûler
	ea	'kpea	sec	öü	=bhöü'-	tarir
Voici le reste de l'alphabet :	ean	gean	scorpion	-Wo 'dho -kō (Les tons)		
	gw	-gwö	caillou			
Lettres Exemple Traduction	in	'bin	fleur, image	1 'lū	ton Haut	arbre
	iin	'iin	ou	2 dë	moven	père

'Kativaa -se 'gü -wun

'Wëü- -sü me 'gü -gleng 'kwa -dhö dhe kan -a -go



-Dhe -nu 'ö -glu
'dhö gön -na -a -bha =ne
kwa -bha Kativaa -se
=ne -a 'dhö bhë, me -nu
'wo yuö -ke =nao =vava
'ka -me -nu 'ka, 'iin 'wëü
-ko =vava -nu, -wo
-gbloo 'wo go mü. =Ya
kë 'ö 'fëe -de 'pö 'ö
=gbaon bhii kö yuö
=plëezë =ya =gbaanu
=wa yuökëme -nu plëezë
bho yuö 'gü. -A -wun 'gü
kö 'wëü =mee'- 'slë
-dëüdüü -nu -wo kë -na
-dhö.

-Kɔ do bhë 'ö- 'ka
Biya zö, Me 'bhaa -nu
'wo dho 'koë- 'wo
-kolokota do kë 'wo- dhe
'wëü- -da -dhe. -Dhe bhë,
-an kë 'slë -nu 'wö =ne :
'bha ü bha 'wëü- -da mü,
'töng 'bhle =ya ziö, =ne
'dhooɔɔ -yaaga 'dho -yaan
'dhö -yaan =daa' 'su
=ple -nu -yaaga nu 'gü
kö ü -bha 'wëü- 'ü- -da
mü bhë =ya =bhe -gɔa
'gɔɔdo zë. Kë =ne 'wëü-
-vuuple 'ü- -da mü,
'dhooɔɔ =ya ziö -yaaga

'bha 'dho 'ma 'wo 'wëü-
-vuu gɔɔdo ö ga 'sɔɔdhu
'iin 'zü 'wëü- -vuu 'gɔɔple
nu ü -dhë. Kö -su yaaga
-nu -waan ziö -a -ta kö
'bha 'wëü -vuu 'gɔɔyaaga
ö ga =gbëen -nu =slɔɔ.
-Dhe bhë me -nu
=plëezë, (-Dadhëü -nu,
-deebɔ -nu, yuö =vava
kë -me -nu) -wo -dho -mü
=va. 'Këe me 'wo bhë
=dhe =wa 'wëü- 'sü me
-nu 'gü 'giasü, 'wo wo
-bha 'ko 'dhi -nu -ta, 'wo

=duë me -nu -bha 'wëü
'ka.

'Ö sü -a 'töng bhë
-a -bha kwa -bha guvenëe
-ya -pö wo 'ka 'weë- kö
me =suu'- -nu bhë -wo
'ko 'dhi 'po kwa -bha 'se
=ne -a 'kwipö 'saadhö -a
gbe 'gü gbɔ.

-Ka ka -zo kë ka -de 'piö,
me 'wo 'dhö bhë -wo
-mɔa kö -wo nu kwa -se
'gü. 'Too pa -dhio -yö do.

☞ ☞ Wun -gban 'to -ya dhe.

Dö -nu 'wo -dhö wo 'to -ya -e?

Me -nu 'ö waa -an -bha
nisangsü 'dhe 'kan -an
bhɔ -yi 'ka, 'ö yöë =dëe
-bha, -an 'to -ya -sü -mü.
Bhii -a me 'bhaa -nu -wo
-bhɔ 'kanbaa- -nu 'gü, -a
'bhaa -nu -wo -bhɔ plöo,
'këe 'wëü- yaa kë -an
-me -nu -gɔ kö -waan

-an 'to -ya -waan -an
-bha nisangsü -nu 'kan.
Me -nu 'wo 'dhö
bhë, 'an =tëi kë =ne
me 'ö 'waa -dhö -gbɔ, 'iin
'ö waa bhɔ =kun -an
'dhö. 'To -ya -sü me bhë
yö =ne 'ö dhoë- kë kö
-waan -an do me 'bhe-
'ka. -Wo 'bhe- wo -me

-nu, wo dhegluzë -nu
'dhiö, 'këe 'waa 'bhe-
'kwi 'dhiö. Pë 'to 'kpaan
-mü -an 'ka. -A me 'wo
'dhö bhë, -an 'dho -dhe
'yaa dhö wo -bha me -nu
'piö 'kwi =plöo, bhii
'sëedhe 'yaa -an -gɔ.
=Wa wo 'to -ya 'dhö,
'wo -dhö -mɔa -waan

'dho wo -bha me -nu 'piö
'kwi =plöo.

Me -nu ka -bha
'sëedhe 'yaa -dhö, kwa
-bha 'se =kɔɔnme -nu
-wa -kë 'dhö kö 'sëedhe
-yö kë ka -gɔ kö 'kwi ka
dɔ. Ka 'saadhö -ka 'dho
'ka ka 'to -ya.

'Se 'gla -wun waa - Me =slɔɔ -pë -wun

'Wun -gban ta -pé -dëü -bha

Pë ta -më -nu, ta 'dhö, 'ö =nao -yö -kë -an -a 'ka. Kwa -bha =peasë -Yö =bheesü, 'yö -pë -dë =ya nu kwa -go -go 'gia -sü -a 'yön 'dhö =glöösü. -Yö -möö -yö 'Kativöa -se 'gü. -A töo -dhë. 'Segö me 'wo- -dhe -kwe =këngdo 'ö -ko Amandie -lü. 'lü =suu'- bhë, -yö -go 'kwi 'puu -se 'söödhü -nu 'iin 'zü -kwe 'pian me 'wo- -dhe Azi =këng' =ple ö -ko -nu osidantalö bhë -a 'gü. -A 'dhe -nu, -a kë. -A 'to 'wo- döa kwa -go zö 'ö töo =Kokoma. =Dhe 'ö- 'töng yaa ziö =ne 'ö -kë Tuuki -se 'ö =kun, -ka ka 'to -ya kö 'Kwi 'puu -se -ko 'pian -nu 'wo- ta mü 'töng 'wo 'bhaa 'ka 'pö, Glesü -dhe =këa' 'gan -dhe 'gü bhë sian- -bho.

'Kpongtaadhe -wun

'Wun -gban senegalö -dhe -bha

Metii 'segö =plëezë 'gü Senegalö 'dhö, 'ö- me 'pö. =Wa wo -bha -waan me do 'sü 'sedëme vute -nu -wo kë -sü 'gü, 'bhaa -nu -bha 'dhö zian 'ka. -kwe -dëü 'kwa -da -a 'gü -ta =ne kwa 'dhö. 'wun 'gbee- gbe yaa kë =ne -a 'ka. Senegalö -nu -bha 'më. Me =ple 'ö -an -bha -an -wun 'gü kö -a 'ple kë -A me 'bhaa -nu bhë, melü 'göödo ö ga melü 'dhoë- ziö me 'göödo =wa wo -bha kë 'saadhö, 'söödhü 'wo wo 'to -ya ö ga -yaaga 'wo to -an -ta -a me 'bhaa -nu -wo wo 'sedëme -dhe -bha. -An bhë, 'wo -an yö 'koë- 'zü -bha kë -sü 'gü, =ne -bha 'sedëme zii -yö mü 'wo =Vute -kë -an -bha,

'Wun -gban Gine -dhe -bha

'Buu 'gbee- 'ö kwa -bha -ko =ple 'wo -an zë -an 'dhö), -wo -lo ziö -sü zü -yö dö 1990 'tasüme -nu 'piö. =Dhe =Gine -më -bha 'se 'gü bhë, Gine me -nu -bha 'següme -nu -wa pö 'ö kë -na 'dhö kö 'segü -dëme Lasana Kuyate 'piö, 'wo- pö -a -dhë : 'Buu bhë 'ö töo Politikö 'në 'bhaa -nu -wo bö -na 'wun =ne -a -ta 'to 'tete, 'buu. 'kwi 'puu -se -nu 'gü, -wa kö 'ü 'següme -wo -daa -An -bha 'se 'weë-. 'Wun bhë -a kë -sëka. =Dhe kë 'dhö 'yö me do -dëme 'wo- -dhe Lasana Kuyate bhë, =ya kë 'ö wo -nu 'wo kpa wo =klöö 'iin 'zü 'sukaa 'koë- =duö 'yö- sü, 'següme -nu -wa pö waa 'yua' 'wo- -dhe diabetö 'weë-, -yö me gbe 'sü. 'Wo me -yaaga 'to nu -a -dhë kö -yaan me do 'sü -an ziën. -Yö -we -a -bha zlöö 'këëkë.



-Kwa =bhea' -an -wun dhö -da 'më 'pö.

'gü 'pö kö =kun 'ö -glu

'Wun 'ö-gban -potaasü-wun -bha.

'Yi -bhö 'glu -yö
ya 'në 'puu -dëü -nu, 'në
'taü -dëü -nu, -a de me
=vava -nu 'ple -bha 'ka.
'Su 'ö 'kwa- 'gü 'ö 'kwi
-nu -wa -dhe feevlie 'ö
=danwopöme -nu 'kwa
-dhe -na 'zëzë bhë, me tii
'segö me 'wo- -dhe etiopi
bhë me -lü =këng'
'slaple (700) 'wo ga 'yi
-kan 'gluu =kwa'. Me
'bhaa -nu -wa -pö 'yi 'ö
pa 'se bhë -a 'gü bhë yö
-mü. 'Këe pë -zë 'yi- 'piö
kö 'yi- =blëe- ka -dhë 'ö
tö 'Yikangluu kë -wun
'yaa -së. Bhii, yi ziö -na
me 'gluu kö yi 'ö kwa
bun 'gü bhë -yö yën -na.

'Wo- -dhe 'kwi -wo 'gü
Dezidratasion. =Ya kë
'dhö kö 'yi 'ö kwa bun 'gü
bhë -yö =bhöü' -na. 'Yi
bhö -na me gluu
=gbaönsü, -wo -pe -nu
wo -na zlöö kö me bun
'gü -dhe -bha 'yi =bhöü'
-sü -yö kë -na =gbaönsü.
Kwa -dhoë -bhokoü do
-kö =klëe :
☞ -A -me -yö
'dhoë- -do =gein -kë 'ö
-kë 'tete, -a 'bhaa -nuë
kë -dewo 'yaa nu.
☞ 'Yö -kë ö -de 'gü
'fööfö.
☞ 'Ö- dhiödhe waa-
-a =beën' -dhe -nu -wo
-kë 'kpea.

☞ 'Ö- 'yan 'ple më
glongdhö.
☞ =Ya kë 'në 'puu
-nu -bha 'ka, zian 'ö -an
tuö bhë 'yö dho
=gluudhö.
☞ 'Ö- -me =zuö'
-yö -ma -gögo dhö -bla
-bla 'ka, 'këe 'yaa -ma
'gbegbe.
☞ 'Ö- -kodhe -nu -a
-gendhe -nu -wo -kë
-saa.
☞ 'Ö- kwi -yö
=zloo -bla 'ka.
=Ya kë -a -me
'ka 'dhö, -kaa 'dhe kë
-zian =mee- -bla 'ka.
-Ka 'yi nu -a -me -dhë
=va -ya mü, 'lü bhe -nu,

'tooyi gia- -de =ne 'ka-
nu -a -dhë =va. 'ka 'yi
litre do -kpa, -yö =trëe'-
-së 'ka, 'ka- bho 'siö -ta
-yö =dhiö, 'ka 'sukaa 'iin
'zü 'zo 'yon -piö 'sang 'gü
=ple -yö -a 'piö, 'ka
kweezö -piösang 'gü do
yö mü. Ka -mwa 'ka sian-
-bi pë 'tete bho, 'ka 'yi pë
tete yö -a -bha -piösang
'gü, 'ka- yö 'yi =kpaü
=sia -a 'piö, kö =kun 'ö
ka -bha 'yuame -dhö -pe.
'ka- nu -a me -dhë -ya
mü bhlöbhlö 'ka, =ya
kë 'ne 'blë 'ka, -kaa nu -a
-dhë -piö 'sang 'në 'gü.

Bha -sü =plëezë

Kwa -de -wo -yö =bhlë -zë.

'sü 'kwa- -dhe
'zëzë 'kwa 'ö 'kwi -nu -wa
-dhe feevlie bhë, -a
-dhekpaoyi 'göople 'ö ga
do (21) 'ka -dhekpaothiö
biya zö, kwa -de -wo
-bha -kë =bhlëzë -sü
bhë, -a =bhlëkpöthe -yö
kë. -Wo gbege =plëezë
pö -me -nu -wo -kë mü.
Kwa 'kpö -wo -bha -kë
=bhlëzë -sü bhë -wa
-blëe mü. 'Wo- pö yö
=ne 'ö tö kwa nii -bha
Fesfaco.

-dhegayan 'ö- -wun 'dho
kwa -go 'gbee-, bhii kwa
'wun =blëe' -sü zü do -a
-ta. 'Wo 'wun do -zon
'wo- pö : me =ple =wa
'dho -dhe -bha, me do
=ya 'ö -wo -lo pö- -me
-bha 'kwi -wo 'gü, -a -me
do to =ya ö -bha -lo ö
'kpö -wo 'gü, yö =ne 'wo
-dhö wo -kö kun -a -bha
'ö tö 'wun 'ö- =blëe- bhë
-wa -gen -ma 'kpakpadhö.
'Wo- pö- -yö -së kö -wa

-zon =klang' 'kö -nu 'gü.
=Bhlëkpöthe
bhë =dhe 'kwa -ya -a kë
-sü -bha kwa -go 'se =ne
-a 'gü -a -kwe 'slaple (7)
'ö =dëe. -A 'töng giagia
bhë 'pö 'wo- -zon
=klang' 'kö -nu 'gü -sü zü
do.
Metii 'se me 'wo-
-dhe Kamölunö bhë,
=dhe 'wo -ya wo -bha
-zon -sü -bha, -a -kwe
'göwöwödhü ö ga 'wödhü

=dëe. Dhegluzë -nu, kwa
-bha pë 'ö- -wun 'dhö kwa
-go 'gbee- bhë -kwaa kë
-dhe =mee- yö 'to kwa
-go. -Kwa kwa =faan'
'sü kö kwa -de -wo bhë
'kwa- =daan'. 'Wuntao bo
'sëedhe -nu 'wo =ne, yi-
-bo 'dhö kö, -yann ka
=faan' 'më kwa -dewo
=daan' -sü -sü 'gü
-kplawo.

'Sinimaa -zon -me =vava
'wo 'kpongtaa -an -bha -dho 'koë-
'bhaa 'wo- -dhe FESÜFAKO 'wo-
kë -na -kwë -bha bhë, -a -kwë
=ne -a -bha -wa -kë =mōsi -se
pō- 'kpīi- 'wo- =wagadugu bhë -a
'gü. Mē -lū -vuu -yaaga (3000)
'wo yuō bhë -a kë -mē 'ka, 'wo- dō

-së 'ka 'wo dho wo 'ko =bhaa.
'Mōbhli =gbeengbeen bhë -a paü-
paü- 'gōdō ö ga 'slaple (17), -a
'sensen -nu de 'pō -wo -kë 'pō
=va. Metii 'sinimaa =plëëzë
-zon -mē -nu -wo -dho 'pō.
=Dhe 'wo -ya -a kë -sü
-bha =ne -a -kwë 'gōople ö ga dō
(21) 'ö =nē. 'Wëü- 'wo- -zuō 'wun

bhë -a 'piö 'ö tō mliōn =këngdō ö
-kō 'sōadhü waa- mliōn =ple
(152 000 000).

=Wa 'dho 'wo 'gizamen
-kë, kō mē 'ö- -bha 'sinimaa 'dhö
-së -waan dō.

=Ya kë nē =wa yën
=sia, 'sego 'ö ganyen kwa -dhoë
-mē 'to dō.

'Yee -wun

Gōon- dō bhë, -yö -ya 'më yi 'ka. -A -dhö
-dho 'ta 'gü 'kwi -sē dō 'wun bho -an 'kwii
'bhaa 'gü, =Dhe =wa 'ta
'sü =wa yō zian ziën, 'kun -na bhë, =wa 'wëü-
'wo -kpën 'dhasi -nu -daa kwëe 'yaa =kpō-
-yadhe -bha. 'Këe =dhe -a -bha. =Dhe -kë 'dhö
=wa yō -a 'sōö 'ö 'ö 'wëüga 'sōadhü bho ö
'mōbhliblümē -ya pō mē 'yuō- 'gü 'ö- -zon 'mōnbhli
'wo 'mōbhli 'gü -an -dhë. 'gü -mē -nu -dhë : 'ö-
'Dhasi -nu wo =nē -an pō : -ka ka 'yan 'to, 'wëü-
-bha 'wëü -dhe yi -gō -sü ga 'sōadhü =nē 'ma- -da

-a kwëe =sia, yaadhö -a 'yö- -da -a kwëe 'yö- -kō
-ga kō -ya -zuō -na ö kpō ta -a -blü. 'Ö 'dhasi
'yuō- 'gü. =Dhe -kë 'dhö gōn -yö ö -gō zë 'gü, 'yö-
kō -yö 'go -na 'mōbhli 'gü pō -a -dhë ö -kō 'gü, ü
-yö 'dho -na gōon- bhë -a -bha =ya yën -bhö 'dhö.
'piö, =dhe 'ö 'dhö -na, kō =Dhe 'ö- -zo -büö -yi 'ka
'dhasi gōn -yö ö -gō -da zlöö kō 'mōbhli -blümē
-na 'blügbeü, -yö ö -kō =ya ziö 'saadhö.
'kpō -na =nāo -gō. Pë yō -kō yaa bhë, 'yaa

'Ö 'mōbhli dēmē -së -yö ü -san -yö mē
-yö 'wëüga 'sōadhü =sia 'ple 'gü.

Kese Alüfōnsë

-Piën

Mē =naan'- -kë -kwea
-bha 'ö -kwea pë -bhö
-dhe dō.

-A -gen tō : 'bha =naa'-
kë 'wuntāo bō 'sëedhe
=nē -a pō -sü -bha, ü

dhoë- =truën -së yō
-dhekpādhia 'ka.



Kese Alüfōnsë

'Wun -tao

Kwa -bha 'sëedhe dō =plöödhe 'ka =gbeen
'bhaa 'ö -gban kwa -de -dō -an -gban -gō -pë
'dhekë -kō -bha =ya yō -mü. 'Yua -nu 'ö -an 'to
=plaan 'gwëetaawo 'gü. 'dhö mü bhë, -an 'dhe kë
-A tō **Kō =Dhōngtrōo** -kō -nu -wa 'gü. 'Ö kwa
-yaan =kun nu -süë. Mē -bhawun yaa yō -dhö -an
-nu 'wo -ya =dhōngtrōo 'ple 'ka =dhōngtrōo

=plöö -sü -bha, 'iin 'zü 'piö -a -bha 'nimloo 'ö
kwa 'ka -dhö dho -a =nē : 07 17 19 38.
=blëedhe -nu 'dho 'Sëedhe bhë -yö -së
=dhia flamasi. 'Sëedhe =duö, -ka 'dho 'ka -ka
bhë -a 'dhōdōdhe -yö -bha 'dho.
'Maadhö 'nëgōōnë 'wo-
-dhe 'Zē Emanuelö -a

Pë 'bin =ple 'wo =nē -wo -bho wo 'koë- 'këe -a dō =zaadhe 'slëaga -ya -bha -an =mëe'-



'Ka yën 'sëédhε =nε -a pö -sü -bha -ka ka -bha -zotadhe -nu bɔ yi -dhë. Yi 'yan -yö ka -bha 'sëédhε -nu -gɔ.

Me -nu 'wo 'sëédhε 'ö =nε -a =bεεn-an 'tɔ 'wo =nε Sai Zoziasü, -Kese Mɔyan, Zafe 'Dhɔɔgbö, Valangtɛn
Vidrinö waa- Edhɛna Pɛdhɛkwälösökaya 'wo go Lusi-sɛ 'gü 'ö yöë Hanɛsü 'ö go suisü -a-bha.
Yi-bha 'sëédhε kě-dhε 'nimlo 'ö =nε : SIL 08 BP 857 Abidjan 08 Tel : 22 43 12 72 / 08 18 08 88 / 06 39 04 88